

Agencija za bankarstvo Federacije BiH, ul. Koševo 3, 71000 Sarajevo, koju zastupa Zlatko Barš, direktor (u nastavku: Agencija)

i MOVE ONE d.o.o. Sarajevo, Ismeta Alajbegovića Serbe 30, 71000 Sarajevo, kojeg zastupa Fuad Merzić, direktor (u nastavku: Dobavljač)

sklopili su dana 09.06.2015. godine

Ugovor o nabavci usluga preseljenja

I. PREDMET UGOVORA

Član 1.

- 1) Predmet nabavke su usluge preseljenja opreme i dokumentacije Agencije iz njenih poslovnih prostorija u poslovno-stambenom objektu u Sarajevu, Koševo 3 i poslovnom objektu Union banke d.d. u Sarajevu, Dubrovačka 6, u nove poslovne prostorije institucije, Zmaja od Bosne 47b, prema uslovima navedenim u ovoj tenderskoj dokumentaciji.
- 1) Usluge preseljenja obaviti će se u dvije faze - prema vremenskom rasporedu koji će odrediti Agencija, kako slijedi:
 - **prva faza** (uključuje opremu i dokumentaciju navedenu pod tačkom I. tehničke specifikacije): preseljenje opreme i dokumentacije iz poslovnih prostorija Agencije u Sarajevu, Dubrovačka 6 na novu lokaciju: uslugu je potrebno obaviti u roku od 4 (četiri) dana od dana dobivanja naloga za izvršenje posla,
 - **druga faza** (uključuje opremu i dokumentaciju navedenu pod tačkom II. tehničke specifikacije): preseljenje opreme i dokumentacije iz poslovnih prostorija Agencije u Sarajevu, Koševo 3, na novu lokaciju; uslugu je potrebno obaviti u roku od 4 (četiri) dana od dana dobivanja naloga za izvršenje posla.

II. USLOVI I NAČIN PLAĆANJA

Član 2.

- 1) Cijena usluga iz člana 1. ovog ugovora iznosi:
 - za prvu fazu preseljenja: **3.311,10 KM**, s uračunatim PDV-om,
 - za drugu fazu preseljenja: **9.675,90 KM**, s uračunatim PDV-om

Sveukupna cijena usluga, za prvu i drugu fazu posla, iznosi: **12.987,00 KM** (slovima: **dvanaesthiljadadevetstoosamdesetsedam**).

- 2) U cijenu iz stava 1) ovog člana uključeni su svi troškovi i naknade koje Dobavljač može imati u toku i u cilju realizacije ovog ugovora.
- 3) Ugovorena cijena je fiksna i nepromjenjiva cijelo vrijeme trajanja ovog ugovora i ne podliježe bilo kakvim promjenama.

F.M.

- 4) Agencija će iznose iz stava 1) ovog člana platiti u dva dijela – po obavljenim fazama posla, nakon potpisivanja zapisnika o primopredaji predmeta ugovora, u roku od 30 dana od dana prijema fakture za plaćanje.

III. ROKOVI OBAVLJANJA USLUGA

Član 3.

Pružalac usluga se obavezuje da će usluge iz člana 1. ovog ugovora izvršiti u rokovima navedenom u njegovoj ponudi.

IV. TEHNIČKI PRIJEM OBAVLJENIH USLUGA

Član 4.

Agencija, odnosno njegovi ovlašteni predstavnici, u prisustvu ovlaštenih predstavnika Dobavljača usluga, izvršit će tehnički prijem obavljenih usluga, odnosno sačiniti zapisnik o izvršenom prijemu usluga, u cilju utvrđivanja da li su iste obavljene u skladu sa zahtjevima iz tenderske dokumentacije.

Ugovorni organ će imenovati ovlašteno lice, koje će vršiti stalni nadzor nad obavljanjem posla, do okončanja svih poslova predviđenih ugovorom.

Član 5.

U slučaju da se prilikom tehničkog prijema usluga Agencija utvrdi da iste ne ispunjava postavljene zahtjeve, te da imaju vidljive nedostatke, Agencija ima pravo da odbije prijem takve usluge. Svi troškovi u vezi sa obavljanjem dodatnih poslova u smislu prethodno navedenog, kao i drugih troškova i šteta koje bi mogli proisteći s tim u vezi, padaju na teret Dobavljača.

Član 6.

Dobavljač se obavezuje:

- a) preseliti opremu i dokumentaciju s jedne na drugu lokaciju, prema zahtjevima navedenim u tenderskoj dokumentaciji u ugovorenim rokovima;
- b) Agenciji omogućiti provođenje postupka kontrole ugovorenih usluga, odnosno ocjene njihovog kvaliteta, u skladu s uslovima navedenim u tenderskoj dokumentaciji;
- c) na zahtjev Agencije obustaviti obavljanje usluga ukoliko se utvrdi da se iste izvode nekvalitetno i mimo ugovorenih uslova;
- d) otkloniti sve nedostatke koji mu budu predočeni od strane predstavnika Agencije za prijem usluga;
- e) o svom trošku, nakon obavljenih usluga, ukloniti iz svih uredskih i drugih prostora u kojima će obavljati poslove u vezi s preseljenjem sav otpadni materijal koji nastane u toku obavljanja poslova te isti odvesti na gradsku deponiju;

- f) o svom trošku otkloniti sve štete prouzrokovane obavljanjem usluga, kao i nedostatke koji su uočeni prilikom prijema usluga, te snositi sve troškove i obaveze proizašle iz ugovora;
- g) o svom trošku otkloniti sve štete koje eventualno prouzrokuje prilikom obavljanja usluga u poslovnim prostorijama Agencije, koje nisu predmet preseljenja;
- h) potpisati zapisnik o primopredaji predmeta ugovora;
- i) dostaviti fakturu za plaćanje.

Član 7.

Obaveze Agencije su:

- a) da Dobavljaču pruži neophodne informacije u vezi s izvršenjem usluga;
- b) da potpiše zapisnik o primopredaji ugovora;
- c) da izvrši plaćanje na osnovu primljene fakture.

V. UGOVORNA KAZNA

Član 8.

- 1) Ukoliko Dobavljač ne izvrši svoje obaveze u ugovorenom roku, dužan je za svaki dan zakašnjenja plati ugovornu kaznu u iznosu od 0,10 % ugovorene cijene, za koju se prilikom plaćanja umanjuje iznos za plaćanje, o čemu će prethodno obje ugovorne strane (ukoliko je potrebno) sačiniti odgovarajuće knjigovodstvene isprave. Ukupna vrijednost ugovorene kazne koja se plaća ne može iznositi više od 5 % vrijednosti ugovora.
- 2) Dobavljač je, također, dužan platiti Agenciji svaku štetu koja joj je prouzročena, odnosno koju je pretrpjela zbog zakašnjenja s izvršenjem usluge.
- 3) Ovlašteni službenik Agencije obavezan je pratiti poštovanje rokova od strane Dobavljača i voditi evidenciju eventualnih kašnjenja.
- 4) Ukoliko Agencija ne izvrši svoje obaveze iz člana 2. ovog ugovora, obavezna je Dobavljaču za svaki dan kašnjenja, platiti zakonsku zateznu kamatu prema propisima Federacije BiH.

VI. RASKID UGOVORA

Član 9.

- 1) Ugovorne strane su saglasne da, ukoliko jedna od ugovornih strana propusti ispuniti ovim ugovorom propisane obaveze, odnosno ne postupa u skladu s njegovim odredbama, druga ugovorna strana ima pravo jednostrano raskinuti ugovor, na osnovu izjave date u pisanoj formi.
- 2) Ugovorna strana čijom krivicom ili nepažnjom, odnosno neizvršavanjem ugovorenih obaveza je došlo do jednostranog raskida ovog ugovora, dužna je drugoj ugovornoj strani naknaditi štetu, zbog raskida ovog ugovora.

VII. ZAVRŠNE ODREDBE

Član 10

Za sve što nije regulisano ovim ugovorom, primjenjivat će se odredbe Zakona o obligacijskim odnosima.

Član 11.

Sve eventualne sporove koji mogu nastati u provedbi ovog ugovora ugovorne strane rješavati će sporazumno, u duhu dobrih poslovnih odnosa i uzajamnog povjerenja, u direktnim pregovorima. Ukoliko se sporazumno rješenje ne postigne, ugovara se nadležnost suda u Sarajevu.

Član 12.

Sve izmjene ovog ugovora mogu se vršiti isključivo i samo uz pismenu suglasnost objiju ugovornih strana.

Član 13.

Odredbe ovog ugovora izraz su volje ugovornih strana, te ga iste odriču pobijati.

Član 14.

Ugovor je sačinjen u 4 (četiri) istovjetna primjerka, po 2 (dva) za svaku ugovornu stranu.

Član 15.

Ugovor stupa na snagu nakon što ga potpišu ovlašteni predstavnici objiju ugovornih strana.


Agencija



Broj: 05-1387-11/15

Datum, 09.06.2015. godine

Dobavljač



Broj: 465/15

Datum, 15.06.2015.